

喬三石耀州志第六卷

官師志

明初設知州同知判官吏目四員嘉靖二年省同知員爲下州令朝覲以吏目行

知州 魏必興濠梁人與聖祖故舊始爲龍江把關官洪武二年上欲授大府力辭不受已而令自擇乃

自擇耀州始至會州治燬治事於夏侯堡其年創建州治與官吏舍三年建學建府署建驛五年建文廟三壇諸疆域里甲徭賦學校驛傳事皆必與啟定云龔遜宜城人洪武二十七年至

高永登杞縣人洪武二十九年至創豐盈倉積粟至
數萬石會歲饑發賑百姓深德之已又重修鼓樓又
於各里中建社學義倉桑棗園永樂初卒於官遺命
其子籍耀州卒葬時百姓哭奠祖送者數千人今其
裔孫省祭官文達者藏其譜存

郭欽金鄉人先仕工部員外郎永樂二年至以能蹟
陞漢中知府

白鳳永樂九年至

胡思魯高郵州人宣德元年至重修儒學

王穀瀘州人正統元年至

劉彧正統五年至建布政分司重修廟學

李芳正統十三年至景泰初築州城作四門

邱純景泰中自州同知繼李芳

白福祥符人天順末年至郭欽以下八人皆不知其
行事胡思魯劉彧李芳畧載其建置事云

鄧真息縣人成化七年至質直任事與民吏相親詣
修建獨多廟學規制尤宏他州縣莫及也建廟時民
相率來觀各自以所有助貲百里外牛酒日至已又
開漆水退灘二渠修故通城渠人大利焉成化九年
百姓奏留詔加四品俸服色又三年致仕去時預備

倉米穀積至十餘萬石有政績碑

喬儀蠡縣人成化十九年至

郭鑑濟寧州人弘治初至時御史李興按關中有威
御史行縣至會沮水漲又會夜御史令鑑行視水鑑
報曰可渡御史渡中流幾衝沒於是御史以鑑爲無
用鑑恐御史按他事罪之明日遂棄官去

任奎鹽山縣人弘治五年至先是鄧真尚寬厚後奎
尚精核才名與鄧真比儒學城隍廟鼓樓社學皆奎
重修者鼓樓工費最大又好文學時自督教諸生爲
課程不如程輒扑責不少假自來能提調爲諸生畏

服者惟奎一人遷西安府同知再遷鳳翔知府余致
有功德耀州者惟魏必興高永登鄧真其次無如往
奎而必興當天造初投戈闢草萊其事尤難云

吳浩無爲州人弘治九年至

張和平度州人弘治十三年至

蕭猷泰和人弘治十七年至

徐政景州人正德元年至自政以上四人與喬儀郭
鑑皆不傳其政蹟然亦無毀言

崔鑑德州人正德七年至能起事端羅致人人行重
賄來事輒罷或一二日卽又以他事羅致又佯不知

輒復索重賄方已人以是益不直鑑後以貪罷去
夏璟江陰人正德十年至性直且廉顧綜理疎有下
人假璟索錢者璟發其奸罪之後其人亦誣訟璟尋
以攷察罷去

田天澤應州人正德十二年至會武廟幸榆中自撫
按太監三司皆馳往榆中天澤諸供應甚簡太監索
重賄又堅不與賄時有令備聖駕供需天澤度聖駕
必不來不厚爲備百姓無科擾一時甚賴之

趙時捷爲人正德十五年至嘉靖初以明德寺改建
文正書院士由此多發科者以能調乾州陞府同知

知府至陝西行太僕寺卿

陳維清源人嘉靖四年自乾州調至性剛鯁有威儀賦令下卽完諸供應從簡里甲便之其沮三原河議人盛稱焉語在紀事志中顧不能事上官又負氣數與人忤酒後人益憚遠之

范琪澤州人嘉靖八年至居兩月以憂歸然貪跡著後御史按劾罷之

陳文學貴州衛人嘉靖八年至喜文士以詩酒自娛然政事多踈後偶杖人死爲讐家言棄官去

李文熙石首人嘉靖十一年至性廉慈以謹厚自持

會年大饑文熙加意賑恤見貧悴人輒憐憫者久之
諸上官供應皆從簡人甚便焉居年餘以憂去自買
馬騾行不用里甲一馬諸隨送人皆厚給往來費服
闋後遂不復出至今言清謹者無過文熙

王繼祖襄城人嘉靖十四年至繼祖好宴樂嬉戲嘗
自以官爲桎梏後被劾又涕泣愛其官

溫秀洛陽衛人嘉靖十七年至有政事才日常燕閒
時與諸文士飲酒賦詩人言秀才大州小不盡棄才
陞襄陽府同知

楊煦安陽人嘉靖十九年至志亦矯異自立者顧性

偏多疑人有正言輒不聽或更讐之諸下人從旁作
飛語卽深信率多施用以是事亦多誤以調去

周廷傑萊陽人嘉靖二十四年至先是漆水壞東城
久不修傑作石堤大修之日夜勞瘁如其已事人服
其勤能顧事上官踰禮待屬官又削涯分人以爲過
云

徐汝葉縣人嘉靖二十六年至簡直守廉然事亦時
有偏執待上官供應過儉又不能爲時俗周容故上
官率不喜竟以是罷

王儼曹縣人嘉靖二十八年自鳳陽通判陞至始至

卽有賢聲居兩月以通判攷察去今猶時時頌說焉
劉洛生恩縣人嘉靖二十九年自六安調至以調故
居常鬱鬱性不喜接人卽接人亦無款言人率以爲
簡又不能事上官上官又多不悅竟以是歸歸時年
三十五人以其才力重惜之

李廷寶曲沃人嘉靖三十一年至會年饑後有地震
廷寶寬簡一切與百姓休息諸供應裁省里甲甚便
之舉事務長厚不近名又閑遠能容人卽有犯者輒
忘不與校以是士民益相親居六年陞榮府長史
江從春莆田人嘉靖三十六年至

同知洪武時畧記二人

鮑頴新安人自翰林修撰

來與知州魏必興同時諸開建事頴翊贊功多繼頴

者爲

陳季鏞鏞撤東嶽廟廊房建文廟兩廡人服

其剛正

永樂時闕

宣德時孫翺

正統時李憲

賀與文

丘純與文以善詩畫著名見藝文志純以

才能遷知州

景泰時吳興觀

天順時張能

成

化時孫凱

路敬

郭誠

高贊

弘治時姚瑞遵

化人

楊綱祁縣人

李憲平遙人

憲苦廉秋毫無

取於人九年陞山東布政司理問

正德時張閏

姚人

范清衡水人

馬亮太原人

李泰桐柏人

榜良玉馬湖人泰自三水知縣陞亦質厚人也良玉
會省同知員以改選去

州判洪武時徐備 華子範碭山人備佐知州

興有開建功子範開通城故渠人至今利之 冰樂

時艾敬 宣德時耿可拳 正統時王楨 殷泰

景泰時李真 天順時劉潔 成化時張淙 張善

言治州人自兵科給事中改任 杜森蠡縣人 弘

治時孫子賢固安人以治蹟陞中部知縣 聶泰鄭

州人 王訓 正德時陳寅忠州人 何寅宜賓人

韓思穀溫江人 翟鑾龍州人 嘉靖以來 薛曼

平陸人 康安高唐人 張希秀商河人 范瑄

寶人 唐宋永平人 馬應利平原人 鞏江靜樂

人

吏目洪武時岳居庸河南人開建事有功 李從周

王禮 永樂時姜禮 宣德時司禮 正統時王綱

景泰時岳泰 安貞 苗鳳 天順時何通 成化

時劉祐 魏迪 任恕仁壽人 弘治時鄭康 趙

翱寧鄉人 康森阜平人 正德時王庸臨清人

高廷瑞 趙弘夏縣人 嘉靖以來張彥俊大同人

賀本忠永寧宣撫司人 崔彥達山陰人 張鸞澄

東人 王伯洋博興人 武銳蔚州人 傅台新安

人 今任者樊騰霄河陰人 孫喻威縣人

學正洪武初 歐陽謙汧陽人舉經明授州學正後

召爲御史御史時有受詔伺察谷庶人事語多不錄

謙有文學又能詩所著有滄浪集

洪武三十一年王儀 永樂時張謙 宣德時馮宣

正統時康拯性嚴毅自以勤率士五夜卽起升堂令

諸生背誦書已卽校倣課復講有不如程者卽扑責

不少假又有定規卽大風雨不廢是時士成名者甚

多 景泰時高旭 成化時何倫 唐佐 閻繡

弘治時吳仲金 李純 沙源

正德時張愈嚴眉州人登辛未進士官至南康知府
其勤教與康極齊名康主嚴毅張汲引諸生隨其才
性施之諸生各自以爲得師自弘治乙卯至正德丁
卯士五科無舉者自是劉瀚左思忠辛珍遂相繼舉
皆愈嚴親指授者至嘉靖間科目益多人猶以爲遺
教云 楊表正金鄉人 嘉靖以來段士學交河人
孫佑之鄭州人 趙用光化人 王寵沁州人 任
相儒清河人 韓醇夾江人 今任者張介閩中人
訓導洪武時怡居敬 孫憲居敬卽州人以經明舉

始以儒士爲知州魏必興禮重訓導時會同知陳季
鋪修文廟兩廡多居敬贊成而開教士人其功尤大
云

永樂時馬雲

張昭

正統時劉翱

王吉

景泰

時桑泉

趙璧

杜禮

天順時劉英

陳簡

成

化時趙杞

楊璽

王南

牛銳蘭陽人

高嵩

弘治時趙孜

魏本端

王伯宣

鐘聲

黃相

王德全

正德時張龜

陳琦四川人

席惠

李

懷四川人

竇濟祥符人

嘉靖以來周汝範瀋縣

人嘉靖七年制令教官得與諸生羣試有司是年汝